



Broj: 01/1-50-1-1-38/08
Sarajevo, 21.4.2008.godine

Z A P I S N I K

38. sjednice Ustavnopravne komisije

Sjednica je održana 21.4.2008., s početkom u 14 sati.

Sjednici su prisustvovali članovi Komisije: Šefik Džaferović, Lazar Prodanović, Momčilo Novaković, Adem Huskić, Halid Genjac i Velimir Jukić.

Opravdano su odsustvovali: Martin Raguž, Ekrem Ajanović i Drago Kalabić.

Osim članova Komisije, sjednici su prisustvovali i predstavnici: OHR-a Jelena Despot, Ministarstva sigurnosti BiH Ishak Sarić i Ermin Pešto, OSCE-a Amra Zorlak, te EUFOR-a Jasmin Porobić.

Sjednici su prisustvovali sekretar Komisije Igor Bajić i stručni saradnik u Ustavnoj komisiji Nedžad Salman.

Predsjedavajući je otvorio raspravu o dnevnom redu u kojoj je učestvovao član Komisije Momčilo Novaković. On je ukazao na potrebu poštivanja odredbe Poslovnika koja se tiče roka za zakazivanje sjednice i predložio da Ustavnopravna komisija dostavi Ad hoc komisiji za izmjene i dopune Poslovnika svoje prijedloge i sugestije, s posebnim osvrtom na odredbe koje se tiču zahtjeva za autentičnim tumačenjima zakona.

Predsjedavajući je predložio izmjenu dnevnog reda tako da se razmatranje Informacije o radu Tužilaštva BiH za 2007. godinu odgodi za neku od narednih sjednica, te da se članovi Komisije upoznaju o dopisu Ad hoc komisije za izmjene i dopune poslovnika i o komentarima Suda BiH o Prijedlogu zakona o izmjenama i dopunama Zakona o krivičnom postupku BiH.

Nakon rasprave, predsjedavajući je predložio, a Komisija jednoglasno prihvatila, sljedeći

D N E V N I R E D

1. Usvajanje Zapisnika 37. sjednice, održane 8.4.2008. ;
2. Prijedlog zakona o izmjenama i dopunama Zakona o policijskim službenicima BiH, predlagač: Vijeće ministara BiH (**usklađenost sa Ustavom BiH, pravnim sistemom u skladu s članom 103. Poslovnika Doma**);
3. Prijedlog zakona o kontroli kretanja naoružanja i vojne opreme, predlagač: Vijeće ministara BiH (**usklađenost sa Ustavom BiH, pravnim sistemom u skladu s članom 103. Poslovnika Doma**).

Ad.1. Usvajanje Zapisnika 37. sjednice, održane 8.4.2008.

S obzirom da nije bilo rasprave, Komisija je jednoglasno usvojila Zapisnik 37. sjednice.

Ad.2. Prijedlog zakona o izmjenama i dopunama Zakona o policijskim službenicima BiH, predlagač: Vijeće ministara BiH (usklađenost sa Ustavom BiH, pravnim sistemom u skladu s članom 103. Poslovnika Doma)

Predsjedavajući je otvorio raspravu u kojoj su učestvovali član Komisije Momčilo Novaković i predstavnik Ministarstva sigurnosti BiH Ermin Pešto.

Nakon rasprave, Komisija je jednoglasno zaključila da:

- postoji valjan ustavnopravni osnov za donošenje Zakona;
- je Prijedlog zakona usklađen sa Ustavom i pravnim sistemom.

Ad.3. Prijedlog zakona o kontroli kretanja naoružanja i vojne opreme, predlagač: Vijeće ministara BiH (usklađenost sa Ustavom BiH, pravnim sistemom u skladu s članom 103. Poslovnika Doma)

Predsjedavajući je otvorio raspravu u kojoj su učestvovali: Momčilo Novaković, Lazar Prodanović i predstavnik Ministarstva sigurnosti BiH Ishak Sarić.

Nakon rasprave, Komisija je, sa četiri glasa „za“, dva glasa „protiv“ i bez „suzdržanih“ glasova, utvrdila da:

- postoji valjan ustavnopravni osnov za donošenje Zakona;
- je Prijedlog zakona usklađen sa Ustavom i pravnim sistemom.

Kako nije bilo više pitanja, sjednica je završena u 14,45 sati.

SEKRETAR KOMISIJE

Igor Bajić

PREDSJEDAVAJUĆI KOMISIJE

Šefik Džaferović